



www.BibleForChildren.org




Juan 14



Lik mapax ik'u'x. E chikub'a' ik'u'x ruk' ri Dios y
chikub'a' ik'u'x wuk' ri'in. Chila' pa k'o wi ri Nuqaw
lik uk'iyal jeqleb'al k'olik. We ta na e ta u'anom, ri'in
nub'i'im chi ri' chiwe.



Ek'u wa' kin'ek cha' ki'nyijb'a' jun luwar iwe ri'ix.
Yey we xin'ek k'ut y xyijb'itaj ri luwar iwe'ix, kink'un
tanchik y kixo'lnuk'ama' cha' jela' pa kine'k'ola wi
ri'in, ri'ix kixe'k'ola chila' wuk'.



Ri'in in Juan in b'are jun uk' alaq hermanos,
junam oj k'o chupa rutaqanik ri Qanimajawal
Jesucristo y junam kaqach'ij uchuq'ab'


taq ri k'axk'ob'ik ruk'
unimal qak'u'x. E ri'in


xine'yo'q pa ri isla
Patmos ruma

xintzijoq ri Tzij re
ri Dios y ri Q'ij saq
re ri Qanimajawal
Jesucristo.



Xaqik'ate't, ri'in xink'oji' puq'ab' ri Ruxlab'ixel ri
Dios. Xinwil k'u jun tz'ulib'al re taqanik chila' chikaj
y k'o Jun tz'ul chupa.






Jek'ula' xeb'enuta konoje taq ri e 'anatal ruma ri
Dios: ri e k'o chila' chikaj, ri e k'o che ruwachulew,
ri e k'o chuxe' ulew y ri e k'o chupa
ri mar, jewa' kakib'i'ij: «Che ri
Jun tz'ul pa ri tz'ulib'al y che ri
Q'apoj B'exex, taqal ri yakb'al
kiq'ij y ri kaxuk ib' chikiwach
yey taqalik
kab'i'xik k'o
kichomalil y
kichuq'ab' na
jinta
utaqexik»
kecha'.




Ri'in in Juan xinwil ri santowilaj tinamit, ri k'ak'
Jerusalem, e ri' xqaj lo chila' chikaj petinaq ruk' ri
Dios, yey lik wiqital chi utz pacha' juna ali lik
uwiqom rib' echiri' ku'k'ulu rala kak'uli' ruk'.


Y xinta k'u
jun qulaj xel
lo pa ri
tz'ulib'al re
taqanik, lik ko
xch'awik, jewa'
kub'i'ij: «iChatape'!
Ri Dios kak'oji'
chikixo'lib'al ri
tikawex y kajeqi' kuk';
ma rike e utinamit, y
Rire e Dios ke rike.»



Tek'uchiri', ri ángel xuk'ut chinuwach jun nimaya'
ruk' ya' re k'aslemal, wa' lik kajuljut upa jela'
pacha' chi vidrio, yey kel lo pa k'o wi ri tz'ulib'al
re taqanik re ri Dios y re ri Q'apoj B'exex.



Che wa tinamit na kajawax tane uwonib'al ri q'ij y ri
ik', ma runimal uchomalil ri Dios kutzij upa yey ri
Q'apoj B'exex e uwonib'al ri'.




Chupa k'u wa' wa tinamit na
jinta k'ana ch'ul kok loq, na
kok ta ulog ri ku'an ri lik
k'ixb'al uwach y ri ku'an
raq'ub'al; ma xew
keb'ok lo ri tz'ib'ital
kib'i' chupa ri libro
re k'aslemal re ri
Q'apoj B'exex.




Ek'u ri Dios kusu' ruwa'al
kiwach konoje rike. Chwi k'u
wo'ora na jinta chi kamik, na
jinta chi oq'ej, na jinta chi
kejuyuyik y na jinta chi
k'axk'ob'ik; ma ronoje taq
ri k'o lo ojertan, ya
xik'owik» kacha'.




Chiri' na jinta chi ri na utz ta uwach xuk'am lo ri
mak. Ek'u ri tz'ulib'al re ri Dios y re ri Q'apoj
B'exex kak'oji' chiri' yey konoje ri e nimanel re ri
Dios kakiloq'nimaj
uq'ij Rire. Kakil k'u
uwach ri Dios pa
saqil wi y rub'i'
Rire kak'oji' che
rukurusil ri
kipalaj.



Y xinwil kiwach ri ekaminaq chinima'q chich'uti'q e
tak'al chwach ri Dios. Tek'uchiri' xjaqataj upa taq ri
libros yey xjaqataj upa jun chik libro, wa' e ri libro
re k'aslemal. Chupa taq wa libros tz'ib'ital wi taq ri
ki'anom ri ekaminaq, y ek'u chirij taq
wa' xq'at tzij pakiwi'. Chupa k'u wa'
wa jun luwar xek'aq b'i ri na
tz'ib'ital ta kib'i'
chupa ri libro
re k'aslemal.



Ri Ruxlab'ixel ri Dios y ri rixoqil ri Q'apoj B'exex,
jewa' kakib'i'ij: «Peta la» kecha'. Y china ri kataw
re, chub'i'ij: «Peta la.» China k'u ri katzajin uchi' y
karaj kapetik, petoq y chutija re ri ya' re k'aslemal,
yey wa' xa kasipax che.



Ri Dios lik k'ax xeb'una' ri e k'o che
ruwachulew; y ruma k'u wa', xutaq
lo Ruk'ajol, ri lik xew Uk'ajol ri', cha'
china ri kakub'i' uk'u'x ruk' Rire na
kasach ta uwach, ma k'o
uk'aslemal na jinta
utaqexik.



Romanos 3:23

Konoje k'u ri tikawex emakuninaq y lik naj e k'o wi lo che
ri unimal uchomalil ri Dios.

Romanos 6:23

Ma ri tojb'al re ri mak e ri kamik, no'j ri sipanik kuya ri
Dios e ri k'aslemal na jinta utaqexik ruma ri
Qanimajawal Jesucristo.

Hebreos 9:27

Lik k'u jikib'am chi uwach konoje ri tikawex xa julaj
kekamik, tek'uchiri' kape ri q'atb'al tzij pakiwi'.

Efesios 2:8,9

Ma ruma k'u ri unimal rutzil uk'u'x ri Dios k'o
kolob'etajik alaq yey wa' e ruma xkub'i' k'u'x alaq ruk'
ri Cristo. Y ri kolob'etajik, na alaq ta xch'akow re, ma e
jun sipanik re ri Dios che alaq.



Ri kolob'etajik na kariqitaj ta k'u ri' ruma ri utz ka'an
alaq, cha' jela' na jinta junog kutak'ab'a' uq'ij.

Romanos 10:9,10

We ri'at kaq'alajisaj ruk' ruchi' aqul: «Ri Jesús e
Wajawal» y kakoj k'u chupa rawanima' Rire xk'astaj lo
ruma ri Dios chikixo'l ri ekaminaq, ri' katkolob'etajik.

Ma pa ri qanima' kaqakoj wi wa' cha' koju'an jusuk'
chwach ri Dios; yey ruk' k'u ruchi' qaqul, kaqaq'alajisaj
Rire e Qajawal cha' jela' kojkolob'etajik.

Juan 3:16,17

»Ri Dios lik k'ax xeb'una' ri e k'o che ruwachulew; y
ruma k'u wa', xutaq lo Ruk'ajol, ri lik xew Uk'ajol ri',
cha' china ri kakub'i' uk'u'x ruk' Rire na kasach ta
uwach, ma k'o uk'aslemal na jinta utaqexik.



Ma ri Dios na xutaq ta lo Ruk'ajol che ruwachulew re
kolu'q'ata tzij pakiwi ri tikawex; ri xutaq wuloq e cha'
keb'olu'kolob'ej.

1 Juan 5:11-13

Y ri q'alajisam e wa': Ri Dios uya'om qak'aslemal na jinta
utaqexik, yey wa' wa k'aslemal xew kariqitaj ruma
Ruk'ajol. E junog uk'ulum Ruk'ajol ri Dios pa ranima', ri'
ya'tal chi wa' wa k'aslemal che; no'j e junog na uk'ulum
ta Ruk'ajol ri Dios pa ranima', ri' na ya'tal ta wa' wa
k'aslemal che. Kantz'ib'aj pan wa' che alaq ri kojom alaq
rub'i' Ruk'ajol ri Dios, cha' keta'maj alaq k'o k'aslemal
alaq na jinta utaqexik.



Juan 14; 2 Corintios 5; Apocalipsis. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Achi New Alphabet Bible (acr) © 2009, Wycliffe Bible
Translators, Inc. All rights reserved.

<https://live.bible.is/bible/ACRNNT/MAT/1>

©2024 Bible for Children, Inc.

www.M1914.org

www.bibleforchildren.org

